

中華民國郵政特准掛號認爲新聞紙類

湖 南 官 報 局 印 行
中 華 民 國 三 年 七 月 二 十 七 號

湖 南 政 報

本報價目

- 一本報按照陽歷每日出報一本
- 一每份每月收回大洋六角
- 一零售每份銅元四枚
- 一外埠購報郵費以購報之多寡酌加
- 一夫役送報如有遺漏請即函告以便補發

湖南官書報局廣告

啓者本局印刷廠製出官紙印刷極精取價極廉已呈由 靖武將軍兼巡按使通令各機關來局購用在案查本局印製各種官紙概由學院街本局總發售處出售並無委託商店代銷情事倘各商店有售賣本局製造之官紙者即係假冒射利一經查覺定即呈請 靖武將軍兼巡按使嚴懲不貸恐未週知特此登報宣告

湖南官書報局廣告

啓者本局前在省城文運街設立總發行所經理出售官紙書報等項現因距局太遠照料不便將該所歸併局內照舊設櫃減價出售嗣後各處有訂印新式官紙購買書報等件者請直接本局交易決不致誤特此登報聲明

湖南銀行佈告

大清銀行清理處
小東街同仁典房屋全棟并基地又連陞街倪姓所住小公館一棟并基地由戴貽穀堂筆譜兄弟憑商務總會董出筆賣與本行管業特此聲明

目錄

飭

湖南巡按使公署飭

飭江華縣知事

據江華各錫礦公司稟違例開飭查從嚴取締以肅鑛政由

飭私立

大各法政專門學校核准教育部咨行查照未准立案之學

飭財政廳長

據第二女師範校長詳刊官用簿記由

詳批

靖武將軍兼巡按使批

批祁陽縣知事羅厚沂詳資教育會調查表學校統計表及學務人員表由

批公立法政專門學校校長吳涵宗詳復查明前法律學校所呈表內唐渠誤作唐瞿懇核轉案由

呈

內務總長朱啟鈞呈會同核議各省巡按使公署暨財財廳署經費繕單請鑒核文並批令

財政總長周自齊內務總長朱啟鈞呈遵擬祀天通禮分別規定祭禮祭品請鑒核文並批令

咨

大理院致江蘇高等審判廳函統子第一百三十六號附上海地方審判廳來文

通告

湖南政報 目錄

廣告

七月廿七號

飭

湖南巡按使公署飭

爲飭知事案據江華鑛商利溥華興協盛各錫鑛公司稟稱爲違例朦開呈懇轉飭依律取消以維鑛政而杜商累事緣商等鳩集資本先後於民國元二年間稟准蒙經批飭由地方行政官勘明山地釐定鑛區詳示各公司繪具圖說呈驗契約轉詳編號并沐給領勘開各照在案無如近有奸商多人並不具稟台轅亦不呈請地方官勘明轉稟請領勘鑛執照公然擅開公

大總統公布鑛業條例第三章第二十

司希圖漁利弊竇叢生轉相效尤更僕難數伏查九條呈請辦鑛人得變更其名義惟在探鑛期間非呈報鑛務監督署長在探鑛期間非經由鑛務監督署長呈報農商部長核准不生效力又第九章第九十四條以欺詐取得鑛業權或未得鑛業權而竊採鑛質者處以三年以下之有期徒刑或三千元以下之罰金該奸商等罔上行私不顧公益肥己瘦人藐視鑛章將來假冒名實者日益澎漲真正辦理者日就淪胥似此狡獪已極害伊胡底若不呈懇轉飭縣知事認真取締竭力維持勒令各該未經稟准經官勘定及未請領執照等私開公司立予取銷依例懲罰吾恐奸民勢張私開者日多一日其損害法定鑛商害猶小而偷漏捐稅并違法律患更大鑛業國稅兩俱損失不至破壞鑛務妨害鑛稅不止爲此瀝陳伏乞電鑒下情俯准轉飭取消私開各錫鑛公司依律懲罰以維鑛政而杜商累沾感無既謹稟等情據此查人民私開鑛產向爲鑛章所禁現在新頒條例所有探鑛採鑛必須分別註冊方爲有效其整理尤屬周詳茲據前情除批據稟江華縣屬錫鑛近有多

商並不遵章稟請註冊私行開採懇飭取銷各情如果屬實殊與定章不合仰候飭知該縣知事分別查明從嚴取締以肅鑛政此批掛發外合亟飭仰該知事即便遵照辦理仍將辦理情形具復核奪此飭

靖武將軍兼巡按使湯薌銘

右飭江華縣知事

准此

湖南民

政長印

中華民國三年七月二十二日

湖南巡按使公署飭

爲飭知事案准教育部咨開爲咨行事查湖南公私立法政專門學校暨私立湖南大學立案事項業經本部據視學呈報辦理情形分別准駁在案查未准立案之學校前經本部籌定變通辦法准由本省行政長官派員將在校學生人數班次查明按照各生修業時期減除一學期計算發給在學證書以便轉學并須將所查學生姓名班次造冊報部核准後方可發給曾於本年第三十一號訓令并二月廿電先後通行在案湖南私立大學及私立第一法政私立湖湘法政私立愛國法政私立經國法政私立新民法政各專門學校均在不准立案之列自應按照此項辦法辦理相應咨行貴巡按使查照飭遵等因准此合行飭知飭到該校即便將

在校各生姓名班次修業時期造冊詳實聽候派員就察執事核准以憑核發在學證書而資
結束此飭

靖武將軍兼巡按使湯壽銘

湖南私立大學

右飭私立

會通
湖湘
愛國
經國
新民

法政專門學校准此

湖南民
政長印

中華民國三年七月二十二日

湖南巡按使公署飭

爲飭行事案據第二女師範學校校長彭岑詳稱爲請將釐定官廳用簿記標本照式印刷印飭
令各機關酌量情形備價購用事案奉鈞署訓令飭遵審計分處發交國務院釐定官廳用簿
記標本限自本年七月一日一律實行等因并發官廳用簿記標本一份到校奉此做校應卽
遵照辦理惟簿記格式繁雜印刷務求精美在地方交通之處印刷紙張在在便宜遵式舉行
當較易易若地處偏僻印刷一項並未倡行以極單簡之物而欲強其印行尙難畢肖况責以

最繁難之簿記乎且一縣或一機關每月收支爲數甚微所用簿記諒亦較少果自爲風氣任意印刷形式或可強同經費恐多虛用似於整理財政之至意有所違背也茲不揣冒昧懇請鈞署將官廳用簿記標本飭下印刷處或指定商辦印刷所照式印刷飭令各機關酌量情形備價購用庶財力可省而奉行較易也是否有當理合詳請鈞署飭遵等情到署除批據詳已悉所稱簿記格式繁難請飭印刷處或指定商辦印刷所照式印刷由各機關備價購用奉行較易等情不爲無見候飭行財政廳核議具覆核奪此批抄出發外合就飭行飭到該廳即便遵照辦理切切此飭

靖武將軍兼巡按使湯薌銘

右飭財政廳長陶思澄准此

湖南民
政長印

中華民國三年七月二十二日

詳批

靖武將軍兼巡按使批

批祁陽縣知事羅厚沂詳實教育會調查表學校統計表及學務人員表由

詳表均悉該縣各校校名多與定章不合應即查照前頒釐定各學校性質及名稱規程妥爲更正又城鎮鄉各設置學董多至十餘人未免過於繁複應指定一人爲學董餘均改爲學務委員其未設學董及學務委員各處仍應妥速分別遴委一併造表詳報備核仰即遵照辦理此繳

批湘鄉縣知事陶繼貞詳覆飭查法政講習所經費係公有性質可否頒發所印乞核示由詳悉查該所向係由私立渾湘楚華法政二校改稱雖有各鎮鄉津貼歲資三百串亦屬私立性質應正名爲湘鄉私立某某法政講習所查照釐定各學校性質及名稱規程加入固有名稱再行詳署照刊所印又鎮鄉津貼費仍應由該知事劃作小學經費以之津貼該所殊屬不合仰即遵照飭知辦理爲要此繳

批衡陽縣知事詳實刊發保衛團白話歌請核示由
詳悉據稱該縣水災初退人心未安該知事擬遵照中央頒定條例實力舉辦保衛團並刊發白話歌按戶張貼俾窮鄉僻壤咸曉然於保衛之宗旨各節因勢利導辦法極是所贊白話歌准予備案存查可也此繳

批公立法政專門學校校長吳匯宗詳覆查明前法律學校所呈表內唐渠誤作唐瞿懇核轉備案由

詳悉查該校前此填造各學生名籍表冊竟於更名各生之名字漫不加察未免疏忽茲據稱前法律學校所呈一覽表內唐渠誤作唐瞿一節應即暫准備案俟該生畢業後再行併案咨部備案可也此批抄由發

呈

內務總長朱啓鈴
財政總長周自齊
呈會同核議各省巡按使公署暨財政廳署經費繕單請鑒核文并

批令

爲核擬各省巡按使公署暨財政廳署經費謹繕清單仰祈鈞鑒事准政事堂交說帖一件請核擬巡按使以下每員月俸公費一案奉批交內財兩部等因發交到部查說帖內開各省內務等四司均已裁撤自可將已裁之費節存又各省本年核定政費於民政長公署經費祇開列總數並未指明某員月俸若干公費若干現各省官制既經公布似應由部核擬巡按使以下每員月俸公費等數目呈候核定施行等語竊查三年度概算各省行政公署經費國稅廳籌備處經費前經分別核定會同呈奉批准飭行在案惟核定前項經費均在省官制未奉公布之前五月二十三日奉令省官制業經公布所有各省行政公署原設之內務教育實業各司長均應裁撤著各省巡按使即將應設政務廳趕速組織成立各司長應俟該廳成立之日再行交卸此令又奉令各省國稅廳籌備處及各省財政司應即裁撤所有該廳司職務均著歸財政廳接辦該處長等應俟財政廳成立之日再行交卸此令等因在案是各省行政公署原設四司均已裁撤巡按使公署僅設政務一廳其舊有內務教育實業三司職務均歸該廳辦理其財政司職務則連同國稅廳籌備處併歸財政廳辦理職務分合既已互殊原定經費自難適用亟應另行核定俾有遵循惟各省或處邊疆或居腹地轄境有廣狹之別政務有繁

簡之分加以地方情形豐嗇不一生計程度高下懸殊所有各省巡按使公署經費自應量爲區別以昭平允庶幾衝繁之地可以策政務之進行簡瘠之區亦無虞歛項之過費至於財政廳經費應以管轄征收機關之多寡爲衡間亦與巡按使公署經費有未能強爲比例者疊經會同考核並與政事堂主計局往復商酌分別核擬精具清單呈請鑒核如蒙允准卽由部咨行各省遵照辦理除各省道尹公署經費另行擬訂呈核外所有核擬各省巡按使公署暨財政廳經費緣由理合會同具呈謹乞 大總統鈞鑒再此呈係財政部主稿會同內務部辦理合併呈明謹 呈 批令准如所擬辦理卽由該部通行遵照單存此批

大總統印

中華民國三年七月五日

內務總長朱啓鈞呈遵擬祀天通禮分別規定祭禮祭品請鑒核文並 批令

爲遵擬祀天通禮分別規定祭禮祭品請鑒核事 二月七日奉 大總統令據政治會議呈覆前奉諮詢祭天一案經開會全體議決僉以爲禮莫重於祭祭莫大於祀天應定爲通祭自大總統至國民皆可行之大總統代表國民致祭各地方行政長官代表地方人民致祭國民各聽家自爲祭以示一體京師祭所應在天壇祭期應用冬至祭禮應用跪拜祭品應用牲

牢再四討論均無疑義惟冠服應飭下所司特別規定其祭禮祭品之詳細條目請一併飭交所司採取各說編定施行等語本大總統深維祭天之禮自古攸隆有其舉之莫敢或廢至五族人民齋戒懍神明之敬法制無禁止之條應准如擬定爲通祭祭所祭期均照所議辦理其特別冠服及祭禮祭品應如何分別規定著內務部廣集見聞詳晰議擬呈候頒行垂爲令典此令等因奉此本部遵卽設立編訂禮制會并先議定五禮綱目呈奉 大總統批准在案謹案五禮莫先於吉禮吉禮莫重於祀天歷代相因未之或廢儀文末節略有異同竊謂殷人尙質周人尙文雖繁簡殊宜而制禮之意則一惟是簡者易行繁或難備今茲政尙共和無固不下庶人之說凡所制定利在通行且祀天之禮以質爲敬故禮器云至敬不壇掃地而祭郊特牲云祭天掃地而祭焉于其質而已矣蓋以天者至尊無上無物足以配天則唯從至儉至簡以象天地之性是以牲不過鴈栗太羹玄酒粢食不鑿其器犧尊疏布罍罋杓豆祭鼎俎簋簋匏陶之類其藉蒲越蒿桔其車素車其服大裘如此而已閱世久遠寔有遺失夫因時制宜各從其便欲盡復上古之制固已扞格難通而踵事增華抑又非禮今謹擬 大總統祀天儀及各地地方行政長官祀天儀國民祀天儀經在會各員分別起草開會逐次審查議決大抵斷自唐代下逮明清斟酌取舍唯從其簡至所刪易各條悉有依據不敢憑臆妄作理合將所擬各項儀節并理 由說明書繕呈謹乞 大總統鈞鑒訓示施行謹呈

批令祀天典禮綦重所呈各節準今酌古考訂周詳應卽准予照辦交政事堂禮制館通行遵

照說明書並發此批

大總統印

中華民國三年七月五日

咨

大理院致江蘇高等審判廳函統字第一百三十六號附上海地方審判廳來文

逕啓者據上海地方審判廳詳稱竊閱政府公報內載鈞院統字第五十八號覆福建高等審判廳函內有查刑律鴉片煙自係指廣義而言凡以鴉片攙和製造之物不問其爲丸藥爲他種形式皆得依該條處斷等因而統字第一百三十二號覆廣東高等審判廳電則以因戒煙服食丸藥內含有鴉片毒質者刑律二七一一條不能包括函電情形似有牴牾本廳因之發生疑問(甲)鈞院覆福建高等審判廳函是否係刑律第二百六十六條之特定解釋不能概括刑律第二百七十一條之犯罪情形而言故製販賣戒煙丸中含有鴉片毒質者當依刑律第二百六十六條處斷而服食戒煙丸內含有鴉片毒質者不得依刑律第二百七十一條科刑然鈞院函中有查刑律鴉片煙自係指廣義而言之語則又似刑律第二十一章鴉片煙罪之全部均當從廣義解釋不限於第二百六十六條之情形也(乙)統字第五十八號函係有意製造販賣代鴉片煙之戒煙丸而統字第一百三十二號電則係因戒煙而服食之戒煙丸是否係犯罪動機有所不同故適用刑罰亦因之而異(丙)統字第五十八號函所謂以鴉片攙和製造之物是否以有純粹鴉片煙質之攙入故適用刑律鴉片煙罪而統字第一百三十二號電是否以僅有化學上鴉片煙一部分之毒質故不得適用刑律鴉片煙罪上列各情究應如何適用本廳未敢擅決理合詳請鈞院明晰解釋指示祇遵等因到院查本院統字第五十八

號函與統字第一百三十二號電解釋并無抵牾惟刑律鴉片煙自應從廣義解釋唯刑律二百七十一條之犯罪以吸食行爲爲構成要件服食含有鴉片毒質之丸藥不能謂之吸食統字第一百三十二號電係謂刑律二百七十一條吸食不能包括服食非謂鴉片煙不能包括含有鴉片毒質之丸藥該廳所稱甲乙丙三項疑問自無從發生相應函請貴廳轉飭該廳查照可也此致

中華民國三年六月二十五日

附上海地方審判廳來文

詳爲請求解釋事竊閱政府公報內載鈞院統字第五十八號覆福建高等審判廳函內有查刑律鴉片煙自係指廣義而言凡以鴉片攙和製造之物不問其爲丸藥爲他種形式皆得依該條處斷等因而統字第一百三十二號覆廣東高等審判廳電則以因戒煙服食丸藥內含有鴉片毒質者刑律二七一條不能包括函電情形似有抵牾本廳因之發生疑問如左

甲鈞院覆福建高等審判廳函是否係刑律第二百六十六條之特定解釋不能概括刑律第二百七十一條之犯罪情形而言故製造販賣戒煙丸中含有鴉片毒質者當依刑律第二百六十六條處斷而服食戒煙丸中含有鴉片毒質者不得依刑律第二百七十一條科刑然鈞院函中有查刑律鴉片煙自係指廣義而言之語則又似刑律第二十一章

鴉片煙罪之全部均當從廣義解釋 不限於第二百六十六條之情形也

乙統字第五十八號函係有意製造販賣代鴉片煙之戒煙丸而統字第一百三十二號電則係因戒煙而服食之戒煙丸是否係犯罪動機有所不同故適用刑罰亦因之而異

丙統字第五十八號函所謂以鴉片攙和製造之物是否以有純粹鴉片烟質之攙入故適用刑律鴉片煙罪而統字第一百三十二號電是否以僅有化學上鴉片烟一部分之毒質故不得適用刑律鴉片煙罪

上列各情究應如何適用本廳未敢擅決理合詳請鈞院明晰解釋指示祇遵謹詳大理院

通告二則

靖武將軍兼巡按使 爲

牌示事照得北京高等師範學校添招預科考送湘籍學生三名一案業經出示並登報定期報名考試在卷現在已逾報名期限而報名應試者尙屬寥寥誠恐遠道遲誤或有向隅特展緩報名期限至本月十三日截止於二十日開始舉行考試合行牌示仰各該投考學生等一體知悉毋得遲延自誤切切特示

中華民國三年七月八日

附原條件

一 資格 中學畢業

二 考試科目

國文 英文 歷史 地理 理化 數學 博物

三 報名手續 攜帶畢業文憑四寸半身相片并備繳卷費錢二百文

四 報名地點 省教育會

湖南巡按使公署爲出示招攻事案准北京清華學校函載做校中等科一年級向由各省照章選送湖南應派學額四名希查照規約認真選送至京覆試等因合行廣告投考各生查照後開條件攜帶四寸相片於七月二十日前來本公署號房報名

一 資格 十一歲至十三歲確隸湘籍者
 二 科目 國文 英文 歷史 地理 算術
 三 試期 八月一日二日
 四 覆試期 九月初十一十二三日須八月底到京
清華學校招考規約已登六月二十七號本報

中華民國三年六月二十二日 示

官書報局廣告

啓者本局設立編輯處延聘碩儒鉅子編譯經史政治法律經濟各種書籍暨專門學校中小初等各學校教科參攷各書並奉 令將前辦之圖書編譯局歸併合辦所有各書正在從事編輯其已出版者特爲標出各界諸君購閱請逕向學院街本局總發售處面訂可也計開書目如左

- 國語教授法 洋二角八分八釐
- 算術教授法 洋一角六分八釐
- 手工教授法 洋一角一分四釐
- 圖畫教授法 洋一角一分四釐

以上四種日本田中廣吉著南州熊崇煦譯

合購洋六角八分四釐

- 初等小學讀本 第一卷 洋三分
- 初等小學讀本教案 第一卷 洋一角二分
- 初等小學讀本 第二卷 洋三分六釐

初等小學讀本教案 第二卷

初等小學修身書 第一卷

初等小學修身教案 第一卷

初等小學修身書 第二卷

初等小學修身教案 第二卷

初等小學修身書第一卷掛圖十三張

初等小學算術教案 第一卷

小學各科實際教授法

手工教科書

少儀教科

兒童教授法

兒童自力研究之啓導法

兒童個性之研究

新教育學

洋一角八分

洋一分八分

洋六釐

洋二分四釐

洋六分

洋一元二角

洋一角二分

洋一元二角

洋三角

洋九角

洋四角 另二釐

洋二角四分

洋一角三分二釐

洋二角四分

特裝

特裝

特裝

特裝

特裝

印刷中

印刷中

本局出售各書從前係照碼六折發行久經於湖南政報登載廣告茲恐閱者或有誤會以致疑其昂貴特將各書價碼照實售價值改正 閱者注意

聲明籌餉公債票被竊

敬啓者昭爵家於本年七月十六號夜被賊挖孔入室竊去湖南籌餉公債票壹拾七張共計銀圓八百七十圓正計日字第三百七十四號壹百圓票一張日字第三百七十六號一百圓票壹張日字第三百七十七號一百元票壹張天字第八百六十八號一百圓票壹張天字第八百六十九號一百元票一張天字第八百七十號一百元票一張天字第八百七十一號壹百圓票一張字字第七百六十四號五十圓票一張天字第九百五十號五十圓票一張張字第七百七十八號至七百八十三號壹拾圓票六張景字第九百三十四號五圓票一張天字第九百五十五號五圓票一張當經呈明瀏陽縣知事批准轉呈 巡按使公署補給原號新票在案所失原票照章自應作爲廢紙如有人執持此項失票售賣抵押 諸君幸勿收受以免貽誤特此聲明

瀏陽東鄉會昭爵謹啓